

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0052003 23
Zenica, 14.05.2025. godine

OPĆINSKI SUD U ZENICA
-Sudiji za prethodno saslušanje-
ZENICA

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m o

O P T U Ž N I C U

Protiv:

I. K., osuđivan presudom Općinskog suda u Zenici broj ... od godine za krivično djelo iz člana 362. stav 1. KZ F BiH na kaznu zatvora u trajanju od 3 (tri) mjeseca, uslovno 1 (jedna) godina, zastupan po braniteljici Azijadi Mujkić advokatici iz Zenice,

što je:

dana 14.01.2023. godine, oko 15,30 sati, u Zenici, nakon međusobnog verbalnog konflikta od 11.01.2023. godine, ugrozio sigurnost B. D. i K. L., ozbiljnom prijetnjom da će napasti na njihov život i tijelo, na način da je upravljajući vozilom marke ... registarskih oznaka ... pratio B. D. koji je upravljao vozilom marke „...“ registarskih oznaka ..., krećući se za D. iz pravca naselja Raspotočje - kružni tok Bojin Vir, pa ulicom Sarajevska do kružnog toka Meokušnice i dolaskom u ulicu Armije BiH, u naselju Trgovišće, zaustavio svoje vozilo ispred vozila kojim je upravljao B. D., izašao iz vozila, prišao oštećenom B. D. koji je u tom momentu razgovarao telefonom sa oštećenim K. L. i obratio mu se riječima „Što glumite mangupe? Je li vi to mene namjerno provocirate, još jednom prođite kraj moje praone polomit ću i tebe i tvog druga L. i nabijem vas obojcu na k*“, koje ozbiljne prijetnje je čuo i oštećeni K. L., iako je znao i bio svjestan da će ovakve njegove riječi kod oštećenih izazvati osjećaj straha i nesigurnosti, što je i htio, koje prijetnje su kod oštećenih B. D. i K. L. ugrozile osjećaj sigurnosti, izazvale strah, osjećaj uznemirenosti i bojazni za njihov život,

dakle, ugrozio sigurnost više osoba,

čime je počinio krivično djelo ugrožavanje sigurnosti iz člana 183. stav 2. KZ F BiH